

河縣志

地 170.225  
32  
斗

沔縣志

卷之一

天官志

星野

灾祥

卷之二

地理志

沿革

山川

城池

公署

學校

驛鋪

橋梁

祠墓

卷之三

兵食志

軍防

田賦

物產

卷之四

人文志

守官

貢舉

薦辟

先賢

列女

僑寓

仙釋

詩類

文類

沔縣志卷之一

知沔縣事青山錢兆沈述

天官志

夫四命分曆象。庶徵行九疇。占星之權輿也。顧未及乎分域。自周禮保章氏。主九州皆有分星。則職方太史之掌。統而為一。抑又聞保章氏之言曰。分星以觀妖祥。其與易賁之象曰。觀天文以察時變。義鈞矣。漢馬遷察眉為書。良史因之莫改。邑乘雖微。亦考鏡得失於斯者也。况沔扼華陽戶牖。地處要區。推測所至。仰觀乾象。下逮取物。所關鉅焉。其可闕諸。志天官第一。

分野

沔屬漢。漢屬秦。秦為禹貢雍州之域。星分井鬼。史記天官志曰。東井輿鬼。雍州之分。漢書地理志曰。自井十度。至柳三度。鶉首之次。乃秦之分。此舊誌所以有驗星井鬼之說也。第唐歐陽詹以沔為秦之民。蜀之坤。蓋地介雍梁。固不宜專屬之秦分。考崑崙為益州之星。則參井之交。其沔之分野乎。

灾祥

漢高帝元年冬十月。五星聚於東井。文帝後元二年。四月。水木火三星。合於東井。景帝三年五月。金木會躔東井。明年四月。亦如之。元帝初元三年。觜參入井。唐高祖武德元年七月。填星太白辰星聚東井。德宗建中二年七月。熒惑太白闕於東井。宋英宗治平五年春。月出東井。元武宗至大元年正月。太陰犯井。此歷代灾祥之畧。見於分野者也。

皇清定鼎。列宿拱辰。惟是蓮吐華華。麥秀雙穗。附登邑誌。用紀休徵。

城壯蓮花池。傳為卧龍所栽。歲放數花。間開並蒂蕊菡。菴瑞應科名。

康熙四年重午日。馬家坪麥秀兩歧。有一莖三穗者。有一莖五穗者。邑令持原本報聞。



沔縣誌卷之二

地理志

知沔縣事青山錢兆沆述

通都大邑之勝。非不繡錯繁華也。而爲戰守之所不  
爭。蕞爾之邑。連山峻嶺。其地瘠且僻也。而談兵之家。  
且據以爲要地。豈非扼形勝者。不在壤之大小。而必  
較量於平陂間耶。山川丘陵。謂之地險。設險守國。王  
公之事。大易之垂訓。固然。今乃於沔而得坎象焉。西  
逼蜀道。東遙接雲棧。殆合乎險且枕之爻者。昔沛公  
王漢。鬱鬱欲東。拜韓信而將之。信遂取徑縣東北雲  
霧山。通道疾馳。竟出陳倉矣。又嘗怪諸葛亮舉兵東  
征。纒絀十萬。移營安壘。何地不可。獨過沔而張吾軍。  
豈有取於環拱深固之區。可以藏鋒而韜銳耶。柳審  
地勢之雄。爲進戰退守之兩得耶。宋張浚奏議。以漢  
沔爲形勢之地。而先云控六路之師。則兵家之爭沔  
久矣。豈獨前後漢名賢有先見耶。其時劉子羽。節制  
興元。走於撒離。唱之兵。而退守潭毒。重整壁壘。當其  
據胡床。冒矢石。諸將泣告而不退。忠勇之氣。可謂壯

哉。使非地有所必爭。何以待制死守此也。潭毒山者。即今之屹然峙縣西者也。自韓信諸葛亮張浚劉子羽之徒。俱以英俊之才。值用兵之會。而擇地於沔。先後一轍。夫沔山蹊磽确。則甚瘠也。域萬山中。冠蓋之往來殊艱。則又甚僻也。祇以險且枕之故。而兵家必爭。然則地險之設。夫亦為守國者之所不廢乎。今試觀岡巒環抱。其山之峭如此。江之派漾之流。其因川以為池者如彼。西樂石馬。峙古城於東西。倘所謂雖小而固者耶。斯邑之沿革。雖歷代互殊。而險要之勢。則亘古今而不移者。羣雄之所必爭。豈以地小而忽諸。撫茲彈丸。見其為形勝之區。而古兵家交扼之險。因為詳厥地勢。并公署學校驛鋪橋梁祠墓之屬。各以類從。載之必備。庶乎覽輿圖者。可以策戰守之宜焉。志地理第二。

### 沿革

沔在戰國時。為白馬氏之東境。秦屬蜀郡。漢分白馬氏置武都郡。以是地置沮縣。西晉末。氏人楊茂搜據其地。自號氏王。南宋立東益州。梁隸武興。西魏改附

興州。隋改為西縣。屬梁州。唐復隸興州。宋因之。元隸  
廣元路。至元二十年。改稱沔州。領縣三。鐸水。畧陽。大  
安。明洪武三年。平定陝西。仍為沔州。始隸漢中府。七  
年八月。改為沔縣。成化二十二年。因寧羗置州。遂屬  
之。嘉靖三十八年後。仍屬府治。

### 山川

卧龍岡。在縣北壹里。有蓮花池。旁建卧龍亭。云孔明  
讀書處。曾築書臺其上焉。久廢。

烽燧山。在縣西壹里。漢時舉烽燧於上。故名。或名走  
馬嶺。

玉簪山。在縣西南壹里。陟巔下望。井邑廬舍畢見。殊  
足以供登覽也。

鐵山。在縣北伍里。山勢極稱險峻。麓開平地。宋姚仲  
置寨其內。以拒金人。

龜山。在縣北伍里。  
魚山。在縣南伍里。臨沔流。形如魚之遊泳焉。

定軍山。在縣東南拾里。上則兩峯屹然而對峙。下則  
河流潏然而環繞。中容萬軍。漢黃忠斬魏夏侯淵於

此。即出師表所云夏侯授首處也。先主遂取漢中而王之。陳兵沔陽。受璽綬。山下有武侯墓。八陣圖在焉。相傳聚細石為之。各六十四聚。又有二十四聚。分列兩層。每陰雨輒聞鼓聲。

旗竿山。在縣南拾里。

武興山。在縣東北拾里。相傳古興州城在此。

北山。在縣北拾伍里。魏武屯糧處。

雷公山。在縣北貳拾里。上有元岳觀。時聞雷聲殷殷出其間。

卓筆山。在縣南貳拾伍里。峯巒削起。狀擬筆床。下出聖水。亢旱不涸。宋元時禱雨多應。勅封靈濟龍王。相傳遺碑猶在。

灌子山。在縣東北叁拾里。山神廟競稱靈應。下流源泉。灌溉民田。

石頂原。在縣南叁拾里。宋置關扼要。

天盪山。在縣東陸拾里。為魏武駐兵時屯草之地。與

米倉山連。

米倉山。在縣東陸拾里。傳有淮陰侯廟。

龍門山。在縣南陸拾里。以石穴高數拾丈。其狀如門也。因名。石壁峭健。山骨玲瓏。洞天中敞。清泉下滌。夏噴珠簾。冬凝冰柱。其斯為邑之異境乎。

金堆山。在縣西柒拾里。

雲霧山。在縣東北柒拾里。四時雲霧濛濛不開。即一名雲濛山者也。相傳青城道士徐佐卿化鵬飛昇於此。昔有飛仙閣百餘間。久無復存。是山盤亘五百餘里。中有故縣故關舊址依稀。其路通陳倉古道。淮陰暗度由此。今則蹊徑荒阻。幾不成達矣。

大景山。

小景山。俱在縣西北捌拾里。兩山相連。景或作丙。

潭毒山。在縣西捌拾伍里。宋紹興三年。金撒離喝入興元。劉子羽調吳玠兵守仙人關。而自保潭毒。築壘山上。以是山峻拔寬平。且有水也。壘方成。金兵猝至。距營十數里。子羽坐胡床不動。諸將泣告曰。此非待制坐處。子羽曰。子羽今日死於此敵。尋以饋餉不至。引衆去。子羽出師。掩擊其後。大敗之。盡掠輜重而歸。普明山。在縣南玖拾里。

金牛峽。在縣西玖拾里。

嶓冢山。在縣西壹佰壹拾里。漢水之源出焉。禹貢書

導漾。即此地。

馬鞍山。在縣西北壹佰伍拾里。

石牛山。在縣西壹佰柒拾里。

鳳凰山。在縣西北壹佰捌拾里。以形似也。

乾龍洞。

仙人洞。

仙女洞。

度水。在縣南貳里。有二泉。一清一濁。仿之涇渭云。

漢水。縣之南發源嶓冢者也。

沮水。在縣西叁拾里。源出鳳縣。南流合漢。一云即沔

水也。

沔水。一名漾水。又名金水。出武都郡。西南流入漢。

白馬河。在縣西城外叁拾步。源自龍門溝。南流入漢。

養家河。在縣南貳拾里。自巴山東流入漢。

舊州河。在縣東貳拾伍里。源出百丈坡。南流入漢。

黃沙河。在縣東肆拾里。源出雲霧山。南流入漢。

白岩河。在縣西捌拾里。源出於蜀。西流入漢。

黃壩河。西流。匯養家河。入漢。

大安河。縣之西北。源出畧陽。通沮水。南流入漢。經火燒關。今廢。

蘊村河。在縣西壹佰玖拾里。自牢固關入漢。

盩水河。北發武都氐中。南流入沔。

韓溪溝。在縣東貳拾里。

渭溪溝。北入白岩河。

藍溪溝。西南發源。北流入漢。

龍王溝。即聖水也。北流入漢。

樓門溝。即白馬河之支流也。在卧龍峰燧兩山之間。

四溝合流。南入漢。

桑園溝。在縣西南拾伍里。北流入漢。

三泉。在縣西捌拾里。即舊建三泉縣處。石上成行者。三品列鼎峙。涓涓不絕。

沒底泉。在縣東南肆拾里。泉出不竭。灌田百餘畝。

二金泉。在縣東南肆拾伍里。源泉湧出。灌田千餘頃。

蓮池。在卧龍岡上。

東池。在縣東參拾里。沔水所溢也。唐賈島避暑之所。  
馬家堰。在縣南參拾里。  
白崖堰。在縣西參拾里。  
天分堰。在縣東肆拾里。有東西二堰。  
山河堰。在縣參拾伍里。有東西二堰。  
金公堰。在縣南貳拾伍里。  
三岔上下堰。在縣東南參拾里。  
羅村堰。在縣西南壹伯玖拾里。

城池

沔陽古城。始築於漢蕭何。後劉備亦都此城。盟壇在  
焉。然尚在舊西縣東南壹拾陸里。至後漢建武七年。  
諸葛亮築漢樂二城。漢城即今之城也。倚山據平地。  
垣堞以土。明洪武四年。知州王昱更新之。高貳丈伍  
尺。周參里參分。門參。東曰鎮江。西曰拱漢。南曰定軍。  
東西俱重門。南則單門。至今基址未改。若西樂城。在  
縣西南。此諸葛亮拔隴西千餘家。築以處之者也。石  
馬城。在縣東北。諸葛亮屯軍之所也。俱不在城列。池  
則減沔之流。帶江之勢。深壹丈。濶捌尺。明萬曆間千

戶李光文。傳有甃磚之修。今無存矣。

### 公署

河署古河州治也。舊在縣東貳拾里。明洪武四年。知州王昱。始移今處。七年改縣正堂。參間立儀門。庫在堂東。獄在門西。土地祠在門東。兩廊吏舍久廢。縣宅於

皇清順治十年。令李煊創建。主簿久裁。尉廨亦荒廢。秋興亭在舊州西。唐賈至曾為之記。而遺基無考矣。察院行署。明正統間重建。久作丘墟。龍岡書院。明嘉靖間。以孔明書臺為之。今廢。社學在縣西南。亦廢。陰陽醫學在縣西北。僧道會司在縣東。俱不可考。養濟院壹所。明正德間。令李澤創建。在縣治南。至縣治西之預備倉。建於趙令一儒。為收屯糧之所。俱無存。

### 學校

河縣儒學。在縣治西。創於明洪武四年。州牧王昱。再葺於成化十一年。邑令侯信。十九年知縣張俊。移明倫堂。參間於廟後。更闢東西齋。嘉靖間。知縣馬景。張賢。先後修大成殿兩廡。繼而日久傾圮。萬曆間。知縣

周天瑞萬言策各捐俸重修焉。至崇禎九年。突遭兵燹。文廟被燼。止存櫺星門。參間。十一年。邑令王際明創修正殿。參間。

皇清順治十年。教諭屈煇創東西廡各伍間。戟門參間。廟貌粗備。康熙四十一年。邑令林鴻烈重修泮池。聿新祭器。籩豆尊彝。爵犖之屬。原數壹佰陸拾。盡缺。啟聖祠在廟後。萬曆間。萬令修焉。後就毀。順治十年。亦教諭屈煇重建。康熙四年。西半傾圮。捐修復完。名宦祠在櫺星門東。明萬曆間。孫令承光建。祀宋河州守高稼諸人。

鄉賢祠在櫺星門西。亦孫令創建。以祀明大同府經歷李時彥者。

射圃在學西北伍拾步。舊有觀德亭。射圃坊。今廢。敬一亭在明倫堂北。久廢。教諭訓導宅各壹所。學倉貳間。

### 驛鋪

順政驛在縣西肆拾步。向設驛丞壹員。久廢。今屬縣。在號馬伍拾匹。邊塘馬肆匹。

青陽驛。在縣西陸拾里。久廢。

金牛驛。在縣西玖拾里。今改大安驛。驛丞壹員。額馬伍拾肆匹。

黃沙驛。在縣東肆拾里。驛丞壹員。額馬伍拾肆匹。

在城鋪。東拾里至新添鋪。拾里至舊州鋪。貳拾里至黃沙鋪。貳拾里至紐項鋪。接褒城。

在城鋪。西拾伍里至土關鋪。拾伍里至沮水鋪。拾伍里至加興鋪。拾伍里至老丁鋪。拾伍里至金堆鋪。接寧羗。

在城鋪。西北貳拾里至分水鋪。貳拾里至上沮水鋪。接畧陽。

### 橋梁

仙留橋。順治十年令李煊重修。

### 舊州橋

黃沙橋。東有石坊。明御史任維賢題安流永濟四字。

新橋。在縣西伍里。

幹橋。在金牛峽。

### 祠墓